

四庫全書

集部

欽定四庫全書

學餘堂詩集卷十二

翰林院侍讀施閏章撰

五言古

雞籠山登覽經雞鳴寺作

山巔舊為  
觀象臺

言尋萬古蹟奮袂陵崇岡璇璣歸蔓草樓觀餘斜陽含

悽臺城畔流笑宮井旁舊跡半淪滅仰視天茫茫

舊有  
石刻

古臺城三字今廢景  
陽宮辱井亦不可攷

城中百萬戶烟樹紛低昂洵美此

南國天塹一何長，列季更相送萬事如朝霜。當年遊讌地，綺麗不可詳。雉堞枕湖水，山影涵青蒼。浩呼漁網集，鷗鷺皆驚翔。

山之陰即後湖舊禁漁釣數百年

左顧歸蘭若，丹碧鬱相

望。垣餘一畝地，徑曲九迴腸。懸空爭燕壘，盤簇成蜂房。

浮圖蘊靈異，古碣吐寒鋸。

塔藏嫺融祖師骨前有寶誌公影碑

鐘磬忽疎

歇。一木支隕牆，江山猶故物。百變生清光，憑高過疎雨。

吹我征衣涼。

登惠山第一峰

是九龍之首南見太湖

清泉洗百慮渴飲傾百斗野興出人間晨興躡龍首始  
至宿雲多解駁朝曦後茫茫震澤寒空明盪高厚三嶼  
若列眉九峰近連肘客言新霽時卷石辨虎阜巨浸雄  
東南涵滋萬林藪俛仰人代促延陵復何有靈境佇幽  
棲慙焉喟奔走

尤悔菴看釣圖

文字走雞林才名動

天子興盡拂衣歸浩然五湖裏垂釣付兒童注目看秋

水自作滄浪歌悲風天際起

支硎山

支公放鶴於此

石門秘靈異亭館陵丹梯道人放鶴處野鶴還翻飛山  
骨既磊磊磴道成龍池不辭千尺瀑濺我遊子衣中夏  
自芳草夕景逾清暉共指西峰色芙蓉開翠微

山下有僧閣西

望蓮花  
峰佳絕

自支硎晚赴花山

石路交修竹新晴豁烟靄殘陽送客行時與涼風會深

樹暗人家流泉出衣帶欲辨青蓮花遙知白雲外疎磬一聲傳泠然得天籟

曉登蓮花峰

在支硎山之西其下有天池

天池涵絕壁菡萏生青峯服之言羽化長留冰雪容采采者誰子冉冉惟喬松遠望邈難即近攬眷彌重陽巖麗朝景瑤草香天風振衣誰復語歸雲蕩心胸

贈蔡九霞

蔡先中丞忠襄公巡撫山西死事九霞言及悲愴其子石宣又從余遊

誰言邂逅合鬱此久相思高齋入花隴庭樹揚清暉四

坐盡嘉客新歡忘渴飢馳光何迫促嫵婉不踰時君處  
茂苑側余卧陵陽陸東南尚多壘道遠良會稀哽咽述  
先烈臨發中心悲

尋光福寺

新月已在天餘霞猶隱樹柔艣漾清波直隨塔影去不  
聞水際鐘但聞烟中語借問隔船人僧廬向何處

白樂天有吾年五十七詩尤展成又廣為五十八  
余適當是歲因和之

吾年五十八出遊月在午回憶我生初哀門方薄祜隻  
影悲鮮民蓼蟲習蓼苦仰屋與向壁心口自相語夙好  
惟詩書無心問庾釜白眼睨青天空手思撐補終安野  
老愚難競衆女嫵肉食忝半生礪石行當煮如何甫清  
暇杲日忽陰雨安坐少絃歌瀕洞多鉦鼓樂郊成戰場  
禍山福如羽生民復何辜百萬飽貔虎中宵或涕淚實  
耻同兒女杖策還出門跼蹐愁索處南憩石頭城東尋  
笠澤浦靈境恣幽懷登涉忘炎暑向禽良獨難稷契徒



自許遊讌戀友生內顧傷羈旅烽火淹歲年醉鄉迷國  
土何當坐虎邱看月當三五

寄岑羽長西華

清若寒潭水藹若春山雲誰念綰符吏仍是餐霞人通  
識紆嶮難逸懷脫塵氛東南方板蕩梁汴多艱辛經營  
若無事涕惻拯遺民戴星羽檄夜鳴絃笳鼓辰苦心問  
耆舊被服熙陽春流聲及南國道阻情日親春陵有遺  
詠三歎為君陳

贈徐雨蒼學博

松柏生浚谷抗志高嵯峨下枝拂清流上枝凌丹霞鳳  
飢不妄食尚想玉山禾豪士處末位大隱如巖阿詩書  
一何癖升斗寧足多高齋瞰層岡白雲相經過時時集  
逢掖安坐且絃歌盤當饌紫芝衣當葺芰荷努力存令  
名長嘯樂如何

黃海篇為汪扶晨母太君七十

黃海無波濤突出珊瑚樹照曜蓮花峰皎皎開雲霧汪

子實國楨望古奮高步時有賢太守下榻禮徐孺翺翔  
徧吳越篇翰展情愔上堂拜君母母髮甫垂素師班文  
史兼鍾郝禮法具徽柔多澤物煦沫及里嫗到今介春  
酒梅花發東園令德揚彤管賓筵紛杖屨我憑琴溪魚  
飛向練江去寄聲浮邱公芝草生無數

得台州高太守尚孚書賦得台州信始傳

時台州拒賊歲

餘食謂不守至是得  
書知賊退喜劇有作

台州信始傳發書一沾臆烽燧蔽天南三年斷消息延

頸重踟躕周道多枳棘死當為國殤生恐阻殊域願言  
隨越鳥南翔無羽翼雙魚從何來苦道長相憶忘君渴  
與飢問我加餐食趙尹存晉陽齊田保即墨使君一何  
健我仇不能即揮淚收遺黎中宵頻轉側功成行受賞  
努力滋令德

旌陽遇張淮山吏部

別筵淮浦側執手梓山陽相見各驚歎此會來何方  
海壖正做擾豺虎橫周行歸田洵閒曠憂時一沾裳伊人

心浩蕩杖屐收清光言當入黃岳雲窟資徜徉崇巖罕  
人跡靈異安可詳時聞絕梯徑往必齋餼糧拂雲蓮岫  
迥濯魄砂泉香何當附晨風與子同翱翔

過喬亭劉氏山家

蔣虎臣曾遊  
憩山中十日

故人蔣學士在昔來幽蹤眷余懷舊情杖策還相從追  
逋歷巍阪登頓倚長松青山繞牆屋雲氣紛千重左顧  
仙鳬嶺右看黃岳峰前山一峰好正向山樓中汲泉得  
仙井方池涵石淙野酌傾家釀林眺開心胸詎要菊潭

美猶餘凜谿風懿茲肥遁地遐尚誰能同

陪涇州鄧明府集敬亭山閣同瞿山

謝公已千載望古展芳宴霽日寒巖青疎林亂峰見雲  
開出郡樓樹白分江練清箏響虛谷和風起南澗山下  
二浮圖裴公舊僧院緩酌間攀躋霜葉彌峭蒨須臾  
景移氣象千山變不有物外人誰識丘中善亮哉吏隱  
情林壑餘深眷

訓鄧孝威廣陵見寄

長夏薄人事屏跡貪寂寞江門尺書來悵焉悟離索白  
髮忽已繁壯遊藹如昨豈不思溯洄道阻然疑作

二

海嶠方戈鋌一步成燕越淮揚舊戰場青燐晝未歇霖  
雨一何多春江無好月所思誰與言憂來劇飢渴

三

五嶽跡難徧黃山亦云美獨遊多苦吟言寄同懷子者  
舊復零謝高臺成戰壘惜哉無鍾期絕絃誰為理

四 鄧方寓文選  
樓論次詩品

變雅日以繁折衷賴時彥披榛拾芳草素心炯可見蕪  
城文選樓萬古月如練鴻飛寄短章秋聲起江甸

贈閻牛叟

山月多清暉江淮同照耀洵美思公子潔身棲海嶠長  
吟枚叔里時把任生釣歲晏涉橫流中原紛虎豹叢桂  
還青青重看八公笑

程非二吳夢公招集問政山



冬晴山氣佳靜侶塵務省餘葉爛高柯薄雲澄素景入  
谷得招提低昂竹樹影俯尋磴底源仰攀霞外嶺層隋  
辨蓮峰散目有超領側下東南隅池館復清境懿此崖  
屋多處處石泉冷曲晏情未闌夕陽射峰頂老梅半蕪  
沒丹閣自宵冥世亂林壑難天寒耳目醒舊遊憶壯齡  
二紀成俄頃詠言偕所歡勝賞誰能永

江行次池口書懷

津市少完屋江甸多荒村層冰復行役鼓角傷心魂託

身非轉蓬何為離故根平生粉署客不掃卿相門時危  
故作達未敢安丘園飢鴻叫修渚牧馬散平原靈峰思  
九子行當與爾言雲昏望不見倚棹聞潺湲

張孝烈詩

孝烈名清雅字玉楚家潛山白玉礪明末獻賊至父  
疾篤留侍湯藥既卒率幼子超藝老漢雲滿昇棺猝  
殮滿趣主人亟去曰老奴以死守棺雅泣曰吾父死  
未瞑去將奚之乃蹲伏屋梁超藝匿廁舍滿獨具茗

飲待賊賊刃脅索主人蒲叩頭流血不解將剖棺雅  
驚墮梁上兩手覆棺哭賊斷其手起藝從厠旁躍出  
代父并遇害蒲營殯兩棺長號不食死

潛山玉澗泉鳴鳴流血淚萬古傷人心孝烈殺身地父  
死方戢棺賊來那忍避蠖屈棲屋梁早決無去志偉哉  
老僕夫禮數守造次豺虎不可馴咆哮勢何亟睨棺且  
揮刃人自梁間墜長號抱狸首斷臂不撥棄兒來代阿  
翁駢首齊死義雙孝殉須臾千夫皆裂眚是時天黑風

天柱欲奔躓

縣有天柱山

老僕痛捐軀從容志終遂人生有

本根貴賤無岐異嗟彼臨難子矢心誰勿貳

以詩代柬寄金長真憲副

公索刻余全集

老友畏情多情多引離思抱君白下書轉側宵不寐言  
當會秦淮要約過五四通都冠蓋繁休沐分相棄泛愛  
煩諸侯野性苦乖異解官垂十年始知符節貴篋中餘  
舊草半輯嬾詮次長懷敝帚慚敢為故人累老賤念貧  
交失計喜閒事有時輟梨棗持充賓客費誰當定吾文

此語千春淚使君僑肸徒風義動天地不願十日飲願  
復一把臂積雪明山樓疎梅爛江寺託身語春風為我  
御征轡

舟雪紀懷

颺然修渚客復此連朝住氣歛渴海潮聲翻拔江樹噉  
數聞哀鴻冥冥失白鷺倚杖思江村微徑阻芒屨宦遊  
二十年出處罕暇豫風雪得淹留執卷自朝暮筆札走  
蓬窗丹鉛正遺誤百端交茫茫時少得微趣雖無破浪

懷雅有浮家慕且願買扁舟長遊五湖路

送胥明府入為兵部督捕

鷁首揚雙旌天路振高翮昔為巖邑長今為粉署客薄  
飲樽不傾離緒紛累積君鳴武城絃我踐澹臺跡歎  
眷餘歡風義陳在昔但令膏雨流庶幾毫髮益烈風吹  
蒲葦黽勉作磐石至今愜悌聲祖帳填廣陌藹藹敬亭  
雲送君遠行役漢廷執法嚴于張有遺澤明慎酬

主恩願言敬朝夕

哀豫章

豫章多瘠土樸善生其間宦達矜廉隅閭左罕豪奸布  
衣飽脫粟八口皆歡顏哀茲氓俗儉生齒或苟全往年  
經喪亂蕪沒嗟良田貧或苦逋賦獷不至揭竿何人實  
戎首禍蔓橫糾纏江村餘幾屋流血膏平原志士蒲溝  
瀆存者隨北轅訣絕無六親長號衢路邊悔不早駢首  
生死同家園

銓夕侍叔父適允成章夫子在坐

是年叔父七十  
六章師八十矣

匏尊汎甘醴火樹照繁絃  
豈必解鼓吹錯雜取歡妍  
請看坐上人頭白明鏡前  
相將有耆舊契濶平生言  
世亂久索寞閭井罷喧闐  
春霖昨日霽新月出雲間  
佳辰復良夜今夕是何年  
勿言戰地苦奪我歡樂顏

寄沈繹堂宮詹

和風拂蘭蕙餘芳散葵藿草木感同心  
匹鳥鳴相索登我竹外樓目極青山郭  
憶昔遊國門羣賢聚京洛沈瓜南皮會  
授東鄴中作清讌窮歡妍夜坐秋河落  
夫子方



待詔謝病思林壑時沾上方賜有待仙人藥錢我蒿少  
遊濡翰在杯酌浮雲凌迅飈一別成飛輶令德耀良時  
鳳舉翔寥廓臯比白虎觀珥筆石渠閣簪紱非我願索  
居守寂寞海陬尚多患巖藪窘棲託身無雙飛翼何以  
相娛樂

思嗜軒詩

故給諫貞毅姜公嗜棗吳門客園留一樹其子勉中  
作軒其側曰思嗜公之墓又在敬亭

趨庭有舊樹花發何纂纂昔日怡老顏今日悲腸斷果  
落餘空枝腸迴無盡時敬亭山下墓重繫淚如縻

### 花山牡丹

山在高淳北境歲開白牡丹數枝種非人力開無恆  
所人或折去輒有禍

輕撓宿水喬杖策尋巖扉眷言芳春節兼與故人期天  
葩無舊種玉樹無繁枝前年北山麓今年東山陞根株  
與歲遷素心終不溜豈無叢花好懿此靈卉稀空山石

纍纍獨立天風吹攀條莫敢折含芳貽阿誰

巖山詩十六韵

昔有白鹿見此一名白鹿山霍子秋文學開榛輦土  
石益巉好有鹿巔沙洞紫谷雲屏等十勝其最高一  
峰舊名百丈予名之曰獅子峰

高人志在山手自洗山骨拂翠鑿雲根扶幽地翻窟一  
朝破榛莽萬象昭毫髮石罅貫峰腰巖虛聳庭闕紫谷  
洵谿訝丹爐入起忽削成列屏几稜疊森劒笏百丈作

蹲獅昂首無顏蹶陰洞卧潛蛟喬柯棲俊鶻頂穴維天  
閭清光先日月昔傳白鹿遊時見朱霞發中有挂瓢翁  
大耄興突兀物色遍巔崖劉題當銘碣山鬼怯逋藏巨  
靈愁剗剗武夷憶南閩星巖夢西粵靈蹟不可常勝事  
表滅沒前看釣魚臺王氣如未歇

前里許巨石臨溪  
為陳武帝釣臺

答徐揚貢進士

君兩過文成書院並有作又為  
先大父先升公作傳志後序

聲詩日以競錯采如春葩壯夫聳高轡吐氣成丹霞儲  
粟不盈甌著書常滿家爵服有屈伸吾道還龍蛇前賢

講習處顧望長咨嗟濡翰耀德潛隕涕紛如麻願為河  
朔飲共沉南皮爪客子驚前路畏此西日斜行行髮將  
素令德毋疵瑕

與隱龍耆舊別

方氏季玉五  
玉兩先生

子真居谷口彥先園辟疆何如龍山館盤曲梓峯陽靈  
泉響東澗灌木陰南岡清飈扇炎節吹我客衣裳解帶  
何容與詠言白日長大人枉步履欸欸携壺漿憑崖傾  
玉醴命網收谿魴昔我春花好今來鬢髮蒼常恐歲將

晏游娛安敢忘且為紫芝曲暮齒同慨慷

新都戌

新安亂後留戌以蒙古諸軍也

玉屏山草盡練江江水渾  
大人看飲馬千騎如雲屯  
腰間橫大箭遊戲走平原  
射雁落雲中逐兔適田園  
連禽在一發縱轡何翩翩  
割鮮不須臾腥血殷盤飧  
漢兒芻秣久相馴通語言  
此輩尚猛鷙好惡難具論  
往年賊破郡去年蹂榆村  
驅除借厥力到今防禦存  
居人遠竄匿白日黃塵昏  
何時罷兵戰天河洗乾坤  
鼠憂方飲泣再

誦留花門

練江月夜懷舊太守曹冠五

君行一何早卧轍填周道別後亂如麻君行一何好

曹去

郡數月郡  
即為賊陷

君昔迨未雨逋賊請搜討脫今猶在官山城

當可保憶過斗山醉送我黃海遊詩成茶酒內高視呼

浮丘我從蓮岫歸要以郡齋宿山中記一篇肯作百回

讀看雲太函巔講學紫陽麓萬事長相思書來髻已絲

惟有東峰月殷勤似舊時

憶琮璫兩孫

鬢衰情愛稀久客無歸夢時憶兩孫雛  
中宵方寸動阿跨開七齡眉眼頗殊衆  
苦未露機警紙筆解珍重阿亢類短小  
跚跚勢難鞚氣欲吞阿兄五齡方好弄  
吾當遺二硯他日汝曹用成立遠何知  
留此老眼送子思挺少成孔顏相伯仲  
慚非九苞羽敢冀將雛鳳先德尚縣縣  
嘉禾應可種

同門李東園按察豫章亂後感寄



西南望江甸佳人方滯淫流血一何多江水為之深削  
亂如芟草吞恨匪自今我友秉邦憲清飈翔德音執轡  
愍滋蔓下車涕盈襟不貴苦擊斷貴安反側心作樓東  
湖溪遙睇西山岑請閭容野客側弁同一吟所欽悵修  
阻曠若飛與沉

石門吳右弢進士詩仿韓孟肯示數首臨別有贈  
時論泥詩格膚附少礪硤有宋趨杜韓變雅淪俚瑣譬  
乘破浪風要捩長年舵心眼細蟲魚雕鏤堪炬火卓犖

延陵子獨賞薄衆可語創煩鐫劖韵險豈堆垛深藏苦

肩篋染指使頤朶暗鳴地震篇二儀受掀簸黃白二山

吟寒峭復婀娜

有地動篇及遊白岳望黃山諸篇

五老肩已拍蓮峰頂

可坐如何望黃海容成諾不果門閤累四世蟬聯清德

播中丞撫閩軍傾厦力撐荷太史丁未祚儒臣奮坎珂

磨盾檄書成縻軀馬草裏

君三世進士祖巡撫福建父介子翰林庶吉士明末死兵

事

空拳不補天往事淚雙墮君又早騫騰石渠應故我

六月且倦飛一息計非左

君已登第未殿試

我罕韓孟詩耽奇

興亦頗言當窮讎遊野酌羅瓜果論文松院中惜別練  
江沱何日汎錢塘觀潮同畫舸

將遊天台雁蕩諸山訓梅瞿山子彥送別

謝公愛丘壑雁蕩迷冥搜謫仙客吳越天姥終夢遊川  
陸既緬阻道險多傾軻要我有好友籃輿為我謀豈不  
畏行路駕言驅百憂振策越華頂濯纓沂龍湫歲月逝  
將晏樹木風颭颭念子一尊酒佇立臨道周

回風振江甸孤雲正裴裴東南烽火後白骨橫皚皚誰  
言豺虎窟得見金銀臺霖雨泥修塗白髮日以催揮手  
招列仙掖我凌九垓白鹿為我騎寒花為我開天漿行  
可酌抗言浮一杯毋為卧窮巷跼蹐中心哀

湖墅尋陸蓋思王丹麓諸子感舊

秋雲陰北墅時菊淒已繁別顏展良覲契濶思永言著  
書好筆札愛客開東園明霞起高樹碧沼涵華軒羣彥  
昔八九談讌忘朝昏逝者忽過半

林鐵崖王于一鄒討  
士徐伯調陸高仲

予衰慨獨存遊娛事已往世變難具論西湖歌歌吹蘭  
渚餘丘樊含情顧叢桂三歎重攀援

與門人徐武令

纓組不崇朝山澤難索居白露沾草木日夜青林疎念  
子卧蓬巷汗漫窮詩書抱膝秋思苦濡翰春雲舒誰言  
少述作百氏供驅除流光過壯齒憂來與我俱黽勉矢  
德音金石不可渝曾從鄒魯遊羞稱章句儒

登赤城

上下二巖  
有玉京洞

靈域非遐壤丹樓聳天造木末出層標雲歸展衆妙玲  
瓏初景明爛熳夕陽照紆磴窺宵冥飛策俯寒峭玉洞  
虛無人延目肆孤嘯餐霞蘊竒賞采隱企高蹈逝將物  
外蹤汗漫窮仙嶠

自臨海赴黃巖

黃巖不三舍高嶺踰四五山谷何茫茫人家餘宿莽顧  
視修坂側白骨相撐拄故壘血痕腥日斜聞鬼語亂定  
成初歸惴獨少兒女兵寇互俘索千村無完堵杈枒深

樹間夾路多伏虎回風響林薄相看色如土

靈巖

巖皆奇石為雁蕩諸山最高處有天柱  
展旂丹霞雙鷺諸峰小龍湫龍鼻水

巨靈蘊靈蹟層城鬱巍巍羣峰相倚蔽白雲無端倪崇  
臺倚丹嶂天闕何參差觸目聳玉柱臨風翔羽旂皎皎  
匹練明喈喈雙鷺啼驚雷洞石峽仙液垂龍髻青冥萬  
象列佇立百情移密竹翳陽景重巖交清暉徯彼域外  
客投迹偃荆扉

樂清行

温州屬邑阻山  
濱海數為賊陷

畏塗介山海行行何嶮巖山行多虎豹水宿多蛟螭城  
中復何有狐狸向我啼賊來數蹂陷人民皆已非所餘  
充軍實四鄰無寡妻富者或許贖貧者啼路隴天風吹  
海水平野走鯨鯢乘潮來海舶剽掠若風馳村墟盡流  
散南畝成蒿藜將軍急芻餉租吏愁鞭箠催租令如雨  
不知徵阿誰

玉甌峰

王梅溪玉甌峰詩謝公好山水得郡  
古東甌行田過白石不到仙山頭

朝從谷口來夕從天際歇仄徑盤山椒谿訝谿雲虛廣



厦受千夫幽巖蛻仙骨寒光倒星辰夜氣來溟渤須臾  
萬岫開東峰出皎月戶牖何空明照曜成瑤闕天雞中  
夜啼烟客時出沒曉看江海間巨艦炯一髮行田阻謝  
履濟勝失倉卒延目雁山青坐臥已超越

高尚學使君送別江口

歐江苦海警舟沂括  
蒼例候晚潮始發

踟躕不能發晨景照行色軒車還出餞歸鳥振羽翼臨  
別酌卮酒再拜淚沾臆既暢巖壑情願言翔京國握手  
相電勉念我苦家食纜解已中流故人立江側不肯多

黃金拳拳意無極  
滄海漲鯨波當塗好自力  
潮喧暝色深回首望南北

張荀仲先生自山陰至武林見待

歸棹岐西東遊子無根蒂  
丈人從何來遲我西湖喬齒  
髮各摧頽江路緬迢遞  
風昔結比鄰十年成判袂  
回首悲舊歡相思堪一涕  
時事薄老成齋居託松桂  
惟冀少干戈田園得寧歲

學餘堂詩集卷十二

欽定四庫全書

學餘堂詩集卷十三

翰林院侍讀施閏章撰

五言古

行經朗陵劉佩長子端同何生伯茆楚畹招就依  
水園宿

客子憩籃輿夕景明柔柘素交聞我來步屨過旅舍言  
方開一樽共坐芳林下勿鄙傾中腸藉草薦酒炙新霽

逢故歡涼月皎清夜夜闌語未闌徙席就蘭榭秉燭歷  
亭沼花氣餘深夏東南戰骨高五土猶休暇行當把舊  
書努力安躬稼

贈朗陵何生伯

穀水清泚泚工山何戔戔中有幽居士撫絃獨安歌束  
髮癖鉛槧白首老巖阿豈無檄可捧一卷興婆娑園林  
好鄰曲二仲時相過坦懷肆觴詠五斗不足多君看塵  
纓客車馬紛轍軻稱心得所託不醉將如何

送錢聖月歸甬東

風吹水中蒲綠葉何離披君來不相識顏鬢各已衰索  
居逾二紀驚歎前相持薄言一尊酒聊以解渴飢親舊  
四坐蒲談讌成新詩黃塵蔽滄海浮雲復東馳東西皆  
故鄉歸去來何時君弟妹皆家宣城行矣薄世務高卧堇山陲  
僂俛念所歡毋使中心違

太平郡齋小東山

時郡守劉竹庵邀同吳舫翁及令子部山登眺將重葺山亭

綰符遠峰岫挂笏思躋攀詎知郡齋裏卓爾小東山墟

金  
卷十三  
園何緬菑谿壑成周環丹陽數萬戶杳靄修林間不見  
塵塲擾但見烟蘿閒青山招謝李兩峰峙巉圯斯人去  
我久仙馭何當還使君慕往躅矯首川巖觀涼風中夏  
發泠然解襟顏況復多彥會談讌永清歡丹亭好重構  
把酒浮雲端天門送明月先入掌中看詩成過十韻萬  
古江漫漫

夢叔父

斑鬢辭白頭拜別各雨泣迢迢二千里回睇百憂集常

恐秋葉零一逝嗟何及昨夜羈魂歸高堂見拱揖語笑  
能媿媿千言不記十似矜晚節佳怪我憂心急兩孫忽  
已長將前還却立招手未及來一寤成怏悵野店雞鳴  
嚶北窗風習習萬感來無端不知孤枕濕

得家書知大兒失婦汪悲琮璫二小孫無母

客行變寒暑鄉書通一紙發緘展數行清淚不可弭老  
者病喜存少者已萬里匪獨念兒鰥兒婦亦女士將雛  
得兩雄義方懷抱裏頻呼授紙筆督書傍牀第持此茶



苦心庶免禽犢耻吁嗟此二雛俄頃成失恃衰麻力不  
勝數齡未毀齒大母則若母恩勤貫心髓蒙養得師難  
受經復何似我生未三年早為失乳子劬勞大母恩嬰  
疾仍不死回頭悲昊天涕泗空流水如何甫再傳祖孫  
同一揆悲來摧肺肝咄嗟吾來矣燕山九月寒驚沙北  
風起待

詔金馬門索米長安市文字生糾纏自笑今若此歸夢  
還山園親舊相我爾欹枕聊呻吟絮語不嫌鄙

京邸述病呈諸公

疲策劇平秋偃疴越重九念我桑榆年實為牛馬走養拙早歸田短褐安林藪敢忘堯舜君竊祿中心負被詔仍乞骸官司怒揺手海甸方橫戈文章真敝帚

睿慮羅腐儒盛事應不朽觸暑迫修塗鬱蒸但張口中

路倏嚴飈冰霰零馬首於時孟秋暮氣候驚罕有

七月廿七

日景州大風雪

咄嗟亂寒暄憔悴摧蒲柳蹭蹬來國門契濶平

生友浮名濫前茅萬事他人後廡下棲一枝長風颭虛

牖經營到餅盞瑣屑勝里婦醫藥生坎坷二豎豈相守  
掩關聞剝啄欹枕屏營久公卿時過存黃鐘收瓦缶折  
簡忝嘉招華筵強野叟青雲多妙年抗手推衰醜草野  
受優容顧影覺顏厚歌吹喧從伶屢舄相踐蹂稠人接  
對難數問此某某嗟此麋鹿性還看上客否買菊當東  
籬看雲向西阜烟霜寒薊門敝裘不覆肘且緩五侯鯖  
待剪春盤韭身健從素交笑把一杯酒

覽羅侍御述祖揚庭文學舊德爰著於篇

白門羅侍御骨鯁名

彤庭推賢執高義奮藻發新硯自言倚大父提命及齒齡  
獨坐久穿榻諸生環受經江干交雨雪竹屋燈青熒屢空  
還意氣不問壘與餅篇章矢孝友几杖餘箴銘十上書不  
報痛哭誰見聽嗚呼飽經術沒齒淪郊垌先期示易簣霓  
馭風冷冷去來洵有以觀化非杳冥豫章稽故老三羅稱  
典型

文毅公倫文莊公欽順  
文恭公洪先號三羅

遺徽百年歆此道如晨星感

茲述祖德使我耳目醒短章類蠡測浩蕩紀滄溟

冬夕豹人大可孝威舟次枉集寓齋

飛蓬無恒處奇樹有連枝  
蠻陬方潯警江國成乖離  
豈無尺素書拂鬱長相思  
執手會京洛顏鬢或已衰  
蹀躞車馬間怡悵私心違  
微雨靜黃埃虛室延清暉  
造次具尊酒淹留遂忘疲  
纁幣貢羈舊策足及良時  
苦慚猿鳥性歲晏多懷歸  
寒月初照地夜永華星稀  
賈傳奮鴻策公孫終見譏  
黽愛珪璋曲學非所期

溉堂篇贈孫豹人

孫西京人流寓廣陵自名所居曰溉堂取誰將烹魚溉之釜鬻

義之

大夫志四海出門忘西東思歸歸不得感歎將安窮旅  
食滯江介家世名關中烹魚誰溉釜富兒笑章逢結鄰  
有王烈識面來李邕

謂王樂大  
李叱瞻

讀書時裂眦浩呼歌秦

風壯懷髮早白大類商山翁引領忽西望華嶽起心胸  
把琴耻碎市誰謂非豪雄寧為松與柏不為槿與蓬

奉益都相國馮公

時七十初度同  
人徵詩為壽

肅肅季冬月積雪明西山和風生霽日百族皆歡顏古

來英雄人委蛇濟時難秉軸心獨苦韜德意如閭異哉  
松喬姿乃在伊呂間所以謝芝朮青鬚未全斑

二

卿雲相糾縵丹鳳亦有族當塗不薦士致主苦不足抗

聲推直臣坐使百僚肅

公推舉魏公環極擢用至總憲時稱名臣

上特譬構

九仞臺求得千章木賤士多需濡羣才見甄錄昔聞赤

舄公吐哺下白屋

三

留侯思辟穀疏傳有歸心引年書屢上未許枕巖林  
北闕眷何厚北海意何深闢園依萬樹流目睇遙岑白雲  
從西來一尊開素襟對客命篇翰浩然山水音

黃俞邵聞母喪南歸

惻惻送君歸薊門暮寒節持尊不敢餞麻衣淚凝血短  
景驚修塗羸馬愁蹙躅傳家書蒲廬富與君山埒十載  
罷遠遊曰惟母將耄稍稍賣文字甘旨或無缺卓矣羅  
昭諫推賢能奮舌

謂繼峰  
侍御

徵書促上道內顧紛羈紲盛



夏嬌女殤回腸摧百折母老病眼苦傷心但鳴咽兒實  
難廢離獻賦兒亦拙清時方闢門屢詔搜巖穴

天子尚優容部檄苦敦切當門吏叫呼交逼甚火烈母  
曰汝亟行毋使我磨滅况汝父腹笥恨未窺天闕汝往  
光我閭吾衰未永訣語罷久逡巡聲吞還氣結誰言登

車時早為長別日入都把殘卷相期慎干謁延訪有公

卿梁魏亶人傑

大司農梁公大中丞魏公見予輒問及黃子

文酒亦縱橫戶

外多車轍觀子每談讌撫膺憂愒愒遊子心頻動慈母

指當齧

丹陛阻陳情

控辭銓部未允

回首祝哽噎知未平宿疴所冀且存活

書來得凶耗擗踊腸斷絕家貧久客居生計困艱危含飯與

周身憑誰殫曲折三日謝水漿垂領變華髮北海最禮士言

賻義突兀

相國馮公嗟悼枉唁即贈賻八金

遂令素冠人下交動朝列聖善

洵哀榮誄詞出鴻筆歸時告几筵形音猶髣髴朝渡

滹沱水夕望金陵月河決浩橫波衝飈正蕭瑟中路

一哀號隕涕垂冰雪近聞中旨傳祿食到袒褐

聖主念棲遲試可劇飢渴子才當見收大故復中奪鳴  
呼捧檄心本為承歡發臣子願俱違蹉跎悲兩失我亦  
有隱憂揮手未敢說子歸慘獨傷我留彌惴慄一身繫  
宗祊萬事看雞骨受體念所生哀毀母汨沒

劉節婦早寡不嫁為夫立嗣復不遂憤自經死

富平

人劉乃造之妹  
張乃璋之妻

誰言松上蘿纏絲若根蒂中路實飄風一心不能離矯  
矯西京女單棲志逾厲黽勉將他雛苦為故雄計一朝

雛見奪萬事空流涕生為隻影悲歿作同心逝捐軀亦  
何補九原還裂眚但使心無慙寧求事有濟

陳說巖掌院以太夫人憂歸澤州

登朝二十載回首悵孺慕曰有北堂親倚閭髮垂素主  
恩良不訾返哺義難顧憑高懷子舍一喜百回懼攬涕  
今西奔凜凜歲云暮鬱紆風木悲崎嶇冰雪路相送不  
能言踟躕泣如雨

二

策足臨高衢壯盛好騁力秉德既不回百爾協貞直耿  
介見篇翰湛深資袞職咫尺接綸扉銜悲去京國天路  
阻且悠海陬烽未息侍從惟端人八方消反側良時古  
所難靈曜寧西匿

三

夙昔共談讌玉樹難攀援綢繆宣在多悃愮重一言去  
為參與商內顧心煩冤彈冠何足道知己未敢諼慚非  
經世士永念歸田園引領望西北浮雲連塞垣馳情誰

可寄徒嗟芳草繁

葉訥菴學士示近詩有作

嘈嘈百喙鳴好手競丹牘不見揚子雲垂老悔少作別  
來近十稔冲然歛鋒鏑無書懸國門入直臥館閣稍喜  
韓蘓詩溫李如掃箠撫時耿隱憂咏古肆遐託匪期衆  
稱妍要使心無忤數數推瑯琊共此晨夕樂

謂王阮亭侍讀寒

冬風雪交空庭喧鳥雀下帷若無人應龍等屈蠖窮闕

石室藏著論補河洛

天子為咨嗟爾足紹往學洗心請借看固新深局鑰是  
時代

王言文字戒繁弱十九出君手高下苦繩削典冊企班  
揚碑版徧衛霍自謂總糠粃劣可供盟噉遠當祖六經

博擬綜七略懷舊招遺民眷言及巖壑

有寄訪浙東黃太冲詩

大

海收百川容納猶恐涸隔巷肯過存抗言惟好爵我愛  
滄浪歌行採名山藥契濶感風心吐氣一盤礴

和藝圃十二詠寄姜仲子學在

藝圃者吳門文文肅公之舊業萊陽前給諫姜貞毅  
先生客舍也汪鈍翁為姜學在作十二詠王阮亭見  
示和章余亦漫賦簡學在聞吳湖州園次一日留詩  
四十首恨未即見也

南村

園林數武地孤村自杳靄人間烟火中興在滄洲外言  
招栗里翁賞心有同會

鶴柴



棲君林壑間，憐君江海意。  
時銜几上書，畧識篇中字。  
凌霄志未忘，顧影振雙翅。

紅鷺館

曾聞朱鷺歌，素羽紛已爛。  
身入荷花紅，掌翻萍藻亂。  
有客坐臨池，浴波方汗漫。

乳魚亭

水木共深翠，魚從蓮葉戲。  
濯纓有餘清，把釣渾閒事。  
逍遙濠上游，千古一高寄。

香草居

尋芳無處所春風為君起含情怨王孫結念思公子采  
采欲遺誰湛湛長川水

朝爽臺

日出喧衆鳥孤懷易惆悵朝光未未來拄笏閒相向有  
時笠澤雲飛著茅亭上

浴鷗池

主人讀南華鷗汎空明裏出沒狎潛鱗高眠就芳芷不

有蕩舟人何由撇波起

渡香橋

川巖羅戶牖畧約通何處懷新徑不窮  
直躡飛虹去花氣秋滿衣坐石澹容與

響月廊

沉沉松檜冷颼颼風泉清月涼鶴自警  
中夜時一鳴此際倚欄客冷然滄海情

垂雲峰

片石倚天立五丁削不得題字昔何人青蒼萬古色佇望杳難攀亭亭自孤直

六松軒

喬柯作偃蓋清陰周四壁自具虬龍姿風濤聲憂擊執卷坐中庭晴空微露滴

繡佛閣

衆香國中住清淨生妙理山鄰支道人身合龐居士惟餘文字禪高言不妨綺

都下歲首見盆桃作花

層冰暮皚皚燕市繁花開輦入列侯第  
懽傾上客杯花時猶未至火力競相催  
拍手笑春風待汝奚為哉人巧凌節序  
熏炙移根茲芳菲豈不早吐嗟隨彫摧  
故山有佳卉江雨閒滋培榮悴自天意  
粲粲臨高臺花餘還結實寧知搖落哀

江蛟門寄詩集因短述

邠水曠前期修塗阻談讌來書得累寸  
燒燭摩挲徧丹

霞爛蒲山駭瀑奔注澗照曜心曾披砮匄耳目眩中間  
枉贈遺十嘗三五見浩蕩金陵遊纏縣洛川餞契濶叙  
平生款曲勝言面舍人通籍早濡翰明光殿直廬晝漏聞  
御苑春鶯轉盛事多咏歌流傳遍朝彥忽廢蓼莪篇  
素冠返鄉縣灑血成哀辭聲出不能嚙

天子召文儒三事亟推薦謂子富述作落筆迅雷電舍

人及司農

時曹公秋嶽亦  
以艱不應

銜恤謝

天眷曰臣草土身方切松楸戀吾老愧虛聲驅迫逐蓬

轉念子尚幽憂搔首涕如霰遠聞乞表墓鼓柁放吳甸  
朋舊窮悲歡山川發雕絢昔君夢廣厦袖裏十二硯晶  
瑩琬琰姿光怪蛟螭纏豈非

上帝簡俾汝掌書卷魂非茂先與筆已文通擅況子方  
壯顏風徽必遐扇淹速各有涯卷懷亦云善獻賦此何  
時天南尚傳箭

潭柘分得柘字

良遊欣素侶越嶺騁幽暇眷茲雲外峰塵纓罕策駕緣

階瀉碧泉古樹卧殘柘舊聞此海眼真僧奪龍舍靈蹟  
信有無蜿蜒見猶乍陽塢竹還青春渚梅未謝棲宿倘  
巖扉潺湲響清夜

返自潭柘道中有懷王侍讀阮亭

先是見示  
西山諸作

歇馬已停午日永緩歸策回看夕陽深彌見青霞積  
髮鑒靈湫矯跡冒款石悵歎忽盈襟賞心違謝客

宿西山戒壇限壇字

清境歷懸磴飛塔浮雲端桂旂時上下百靈集丹壇舉



首見

宸翰

有御書  
清戒二字

光怪生林巖入門二松石匝地雙龍盤

攫拏廣庭隘憂拂青天寒谿訝有崖洞迢遞穿巉岼不  
知客行疲但惜春風殘移觴未敢酌高座生清歡精廬  
坐山月誰解棲長安

題王山長小像

盤石積雲深老樹倚天碧袞袞緇塵中見此江海客早  
歲登公車逸氣莽揮斥虎嘯無弱響鵬掣皆怒翮時俗

悅輒美豪士迂繩格談經坐臯比吏隱就魚麥隨州淹  
幾年著書動盈尺蓬轉來京華一羶仍夙昔國子借韓  
名廣文為鄭闢月俸耗酒錢堆牀富篇籍萬事時掉頭  
五侯門絕跡歸然蘓宮詹謂蘓學士亮工清論洽晨夕斯人竟  
寂寥四顧雙眼白披豁甘寄欽叱咤走霹靂朝彥協推引  
彤庭重對策

天子儻名見應奪戴憑席近喜南楚平仲宣留故宅無  
恙報松筠春風解臧額遐尚思鹿門無心戀鸞掖營道

子素懷抗手傷物役行矣從杖藜與子共山澤

贈陳藹公

豪士雖畏人不可衆人意交語酒杯間軒然襟抱異文章詎足多忼爽挺風義強項苦嶽嶽所遭時裂眚濡翰有深衷託諷輒連類披豁開心期把臂笑相視各出篋中篇高論千春事君家通德里節烈動天地往躅悲重

陳殉難見井記

明末閩賊陷保定陳氏嬪女合門殉節有殉難井記

松柏留根株

枝葉無憔悴讀書二十年百氏資鼓吹廷尉曾結襪諸

侯肯擁篲雄文薦 九閭欲灑賈生淚本是澹蕩人  
徵車不得志我懷萬古愁頻來郭外寺青冥可放遊思一  
振雙翅臨發贈平生前山正深翠

次和王侍讀喜諸子夜過

老眼勸讀書瞑坐罷然燭新月復欄端涼風鳴檻竹同  
心禮數寬隔巷招尋熟忽憶臨清溪漁燈照蓬屋

二

養疴人事稀幽興無主客虛庭落疎影喬柯挺百尺安

用持尊酒高談已中夕露氣滋苔痕惟應餘鶴跡

三

秋蟲尚未鳴颯已秋聲  
變涼夜惜清暉急景如奔電  
時俗貴鉛刀寧知剛百鍊  
且懽襟抱開誰言儒素賤

李劬菴引疾歸關中

送子拂衣去悲來鬱難語  
誰言鸞鳳姿欲棲無處所  
豈不能奮飛羽翮何差池  
耻爭黃雀食反哺圖恩私  
川原悠且阻中路還乖違  
方將南適楚何日成西歸  
故人日

以少相看日以老傷心秋雨中秋棘生周道

送邵子湘遊東牟

故人去何亟老淚紛如霰黃菊酒盈尊分手罷芳晏昔  
別在蘭陵此會在京縣平生憚貴游涕笑耽窶賤共生  
藤陰下袒跣把書卷踏月夜敲門貽詩朝滿扇掀髯意  
飛動隔巷頻相見歎子青雲士生涯守一硯不種東陵  
瓜不求文舉薦逢掖多塵埃西南猶轉戰側聞賢使君  
折柬招才彥郡閣臨蓬萊海日盪人面仙都連十洲蜃

市賦百變觀我舊題處墨潘丹崖徧奮筆記後遊當使  
蛟龍纏

蘭言

上林紛玉樹菁蔥鬱相望崇臺飽清露花葉多輝光猗  
蘭乃小草幽谷含微芳何當被采掇目以王者香取賤  
豈捐貴兩美終相妨當門固應鉏側立私徬徨

送韓元少侍講歸營先墓葬事

纓組成長物文章世所須羣流靡蔓草雅唱誰枝梧清

時冠甲第制作韓侯殊振筆一長嘯掉頭無萬夫金臺  
騁驀裏驚馬皆驚呼

主恩親講幄士類羅璫璣到今藉湜輩接席紛生徒下  
直輦車騎高坐懷羣書一日夢故山歸心滿五湖思營  
京兆阡言返班生廬涼風初拂樹零雨方載塗不愁征  
路遠但念吾儕孤南國有羈客側足私踟躕

以綠雪餉王侍讀阮亭及邵子湘陸冰修却枉佳  
句索和



靈巖鬱佳氣茗柯了不凡老夫昔好事挾勝窮嶄嵌采  
綠日盈把香露霑春衫有時經石窟對面起磨巖擷擇  
無俗手蒸焙余所監製成得妙理沉碧寒筠杉羞與酪  
漿齒特著冰雪銜頃來棲輦下鹵井憎苦鹹購取玉泉  
瀾回首思舊巖馬上昨有寄箬籠將一函薄可餉鄰好  
紅粟銀餅絨詩人貪澹旨遠過梁肉饒新篇競品目險  
韵何巉巖紕漏哂桑苧譜茶枉見芟

陸羽茶經以  
宣歙為下

當遺

故山叟石壁深鐫劖

送劉瑞生歸金陵客舍

海神自嫌醜畏人寫其貌吾面老瞿曇太瘦每自笑幾  
筆擅丹青刻畫苦難肖劉生稱健手濡翰得清妙貌我  
丘壑間間曠如海嶠嗒然把一卷含情傳夙好客皆撫  
掌看共訝天機到都下傳盛名飛鞚五侯召傳神喜佳  
士標格見奇峭圖繪無間時鄉心繫歸棹遠夢慢亭雲  
近憶秦淮釣江南山水地高卧可長嘯

送姜西溟歸奔母喪

朔風吹易水榮木作雨霜豈無時菊好蘭蕙慘不芳懷  
中韞白璧爛然明月光天路阻閭闔被褐徒慨慷三夕  
九夢歸驚魂依北堂臯魚忽銜痛執手各霑裳

二

越鳥西北飛曰為反哺計誰言成斷蓬回首失根蒂家  
林烽火餘屢空成儉歲惻惻倚閨心萬事餘雙涕客歸  
誠獨難何忍久留滯崇巖亦有巔滄海亦有裔惟此孺  
慕情吞恨永無際

贈陳孟象太守之江寧

受事談飲冰掉頭人匿笑吏道如大賈豐約競相耀勁  
草靡疾風清泉逐泥淖豈無抗志人相驅作同調突見  
陳太丘丰骨表寒峭三仕淹遐邇遠遊諧夙好濯纓印

江水題字筆峰嶠

君三仕皆黔中  
曾為思南太守

五馬非不貴雅尚狎

漁釣金陵六朝地三山供坐眺人物久凋殘俯仰餘叫  
嘯殷勤問耆舊素心耿相照歲儉還軍麾疾苦慄誰療  
塞帷一援手嘉祥應可召雪霽明朱幡江空送飛櫂

宵旰眷東南旌廉有特詔

送白仲調典閩試

蛟室有珠淵滄海何滉漾鯨波況復惡物色無象罔之  
子洵南金亮節蘊玄賞夙昔戒星軺干戈滯征鞅踰年  
報廓清八紘恢遐壤

帝曰廷評俞申命汝再往山海遠馳驅心目彌曠朗於  
乎烽火餘逢掖散榛莽藝苑收菁華王風肆弘長閩南  
富圖籍輜軒好搜網史乘方載筆願資聞見廣前路踐

殘雪歸帆蕩輕漿江甸多耆舊鍾山綽偃仰行矣崇令  
聞亦足張吾黨

汪發若同年之任淄川

三冬曠雨雪藹若陽春時君行亦不遠雙旌濟水湄懽  
極轉惆悵臨發手重持結髮為好友京洛同驅馳凌風  
振玉樹誰不希令儀冉冉歲將晏君強余已衰奮飛好  
自力會合當何期徂徠有松柏歲寒無改移心如松上  
蘿纏綿不相離

二

東土淄青間疆域夙稱最戶口十萬餘輻輳衣冠會今  
非齊故都猶足吞曹檜緬睇重關情沃土方儉歲充此  
乳哺心持為饑者惠般水流清波岱雲徯征旆單父多  
仁賢鳴琴有嘉賴

歲暮三首

白日無根株搖搖忽遲暮仰視天路長駕馬愁蹇步夙  
昔蘊微尚中歲早誓墓垂老復見微虛聲怵殊遇思一

叩閭闔直陳當世務乃命授筆札分曹弄竹素抱書雖  
黽勉精力久非故

二

婆娑庭際樹兩見葉辭柯終日少安坐歲月紛蹉跎  
九重已宵旰災警一何多雨澤靳中土烽火連牂牁精衛  
苦力竭蟻穴愁江河慚非魯陽子日昃將如何

三

人情侈仕宦侍從耽京闕骨肉逝不待推殘到黃髮銜



痛拖朝紳未敢日衰經忽忽歲云期蓄淚那能竭鹿門  
有妻子鄉夢久濶絕失恃憫二孫遠念徒嗚咽平生一  
寸心輾轉成百結更闌不能寐獨夜立寒月

孫樹百以給諫需次暫還用馮相公原韻

幽人矜獨行豪士貴作達所向非所諧肝膽洵楚越古  
有湖海客進退燭本末撫劍思及鋒發機必省括澡濯  
橫流中秉性不可奪惟君挺亮節四顧何踈豁歲寒既  
崛起春華復采掇鼓歌四始陳紛綸百家撮騰聲起墨

綬補闕待黃闥吏道成績新書空還咄咄詎敢臥東山  
身世疑乖刺策足不辭晚勇退如剖割臥壑喜毋藏處  
囊羞穎脫語默會有時勝氣誰能遏天馬骨權奇未肯  
仰芻秣種竹得園寬論文從燭跋所嗟素心遠恨別增  
慘怛

主春足彈冠民艱猶蹙額抱膝且長吟許身應管葛

學餘堂詩集卷十三

欽定四庫全書

學餘堂詩集卷十四

翰林院侍讀施閏章撰

五言古

送勞書升督儲黔陽

初以庶吉士禮部郎中  
典試江南督學山左

煌煌丹鳳姿振羽西南徼  
鸞鶴為裘裊儔侶相叫嘯  
昔游雙闕間文章日照耀

帝曰汝人師論才亶敷教  
物色超驪黃海嶽歸襟抱  
誰言蘊

瑚璉不亟登朝廟黜陽烽火餘雷雨甫天造驕陽煽炎歆修  
塗緬崩隋允矣仁者心惠風蕩蠻嶠

聖世多懷柔羣盜疾如掃努力此驅車飲冰乃夙好

漢川陽臺山產叢芝徐子星方伯名之曰采芝山薇霞

起求詩紀之

我昔過漢渚丹閣俯清湍江洲滋芳草眷言日以蘭回首郎  
官湖把酒天風寒竭來二十載舊遊成一歎誰言銅池秀叢  
生荒谷間嗚呼南楚地烽火久摧殘殺氣纏草木戰骨高巉

屹嘉祥何蒸蔚靈丹攢巖巖燿燿煌煌餘百本照耀森琅玕寧非  
兵革息林麓回歡顏達賢欣睹記嘉名錫茲山一洗陽  
臺陋刻碣層崖端憶我官臨陽九莖亦江干紛綸延衆  
賞流詠傳蕭灘遙知企松喬米米思晨餐何當同飽食  
奮飛生羽翰

張仲誠之官資縣

蜀都初釋甲吏往皆却顧達人獨振衣忼慷甘叱馭本  
無纓組懷儉易隨所遇朝從洛水遊夕躡尼山步抗手

抱遺經披榛騁廣路絃歌偶一試三徑歸如鷺推薦起  
田間尚書期復誤

至尊強優容廉吏霑異數

君初以進士知內黃坐纓微奪官廷臣薦起臨邛又引疾

不至例當論  
罷特詔留之

脩然出岫雲乘風不得住僻邑分蠻江瘠

土儉財賦簿領少煩囂山川邀野趣遺黎存幾家煦沫  
如婦孺懿此鳴琴理非供折腰具看君宰內黃舊德積  
有素

為朱商三舍人頌其母費太君苦節

費無子蓋撫舍人於襁褓

以後具  
夫者

青青南山柏上有雙鵲巢巢成不將雛隻影凜嚴廳中  
夜思故雄悲鳴音曉曉口銜一雛至彩融如九苞哺雛  
自忘飢咄嗟豐羽毛昔也棲卑枝今也翔層霄飲啄豈  
不美反哺心鬱陶良時無久留風樹何蕭條雛孤懷舊  
恩永慕還哀號言當託彤管遺徽長不彫

荅唐濟武

金門日羣遊踽踽自林壑守官競文辭大道恐搖落洙



泗既云遠問津或濂洛戰壘生講壇岐路玄黃作甘苦  
昧荼齋性命洵唯諾時縈禹稷憂遑問孔顏樂不有拔  
俗人斥鷃迷寥廓所欽蘊微尚抗手論絕學結綬嗟濡  
首談經耻折角東望何高深浩歌懷海嶽

魏子存參藩湖西是余舊官處慨然有贈

燕山白露下千騎之臨陽青風鬱寒色旅雁隨南翔眷  
余弭節地閭山留草堂瘠土富橘柚江郭盈芬芳官齋  
經手植嘉樹森成行閒心安朴俗坐嘯傾羽觴螺川餘

鷺渚講席水中央  
臯比聚逢掖  
絃誦聲洋洋  
別來變荆棘  
豺虎橫飛揚  
烽烟萬事盡  
中夜為霑裳  
遺黎棲戍壘  
何以資壺漿  
使君古遺愛  
治行緣文章  
和風被洱海  
竹箭收瀟湘  
盤中復何有  
芝菊充饌糧  
君久不茹葷血  
霑濡看惠澤  
行與江流長  
寄聲語父老  
轉側千回腸

繪川書院紀事

并序

林居記云  
睢渙二水波文皆成五色  
其人多文章  
又名繪水  
故杜詩曰藻績憶遊睢  
睢州同年湯侍講孔

伯請於州守建書院曰繪川祠兩程子及周張朱為  
五先生集子弟後進講業其中屬余為詩以告州人  
士

洙泗日以遠伊洛近可沂臨風一仰首千載賸有遇重  
過睢水清尚想杜陵句舊俗多文章良士矜矩步吾友  
企前徽丹祠展遐慕交馳戎馬場得此俎豆處尸祝森  
昔賢絃歌集儒素河嶽紛迴翔上下英靈聚周行今蔓  
草驚馬裊裊顧羣喙爭揚波六經忍塞路虎觀何足榮

兔園久非故寸心獲所歸衆寐成獨寤仰視浮雲馳俯  
看流水去誰為挽天河迴川盡東注

趙天羽戶部權楊州

如何千里行不把一杯酒潯沱冰皚皚衝寒難折柳看  
君灑落人故是經綸手結綬耽絃歌談笑窮賊數

天子曰汝能萬事如揮帚會計為曹郎司農倚左右范  
張夙昔交生死義無負造次還急人風流洵罕有關政  
猛逾虎鷗鳬亦駭走枳棘盈道周行子咨嗟久今往權

邦江時事戎饑後知君薄斗筭努力崇忠厚蕪城餘鼓  
吹鄉國歡親友篋存自訂詩冰雪長在口萬斛廣陵濤  
胸吞可八九

為宋牧仲員外題王元照畫冊

客夢尋家山紛緒不可理前山一何秀萬仞青冥裏天  
低華頂峰虹挂匡廬水長松乍有無遙知白雲起此中  
劉茯苓荷鋤者誰子

贈徐健菴編修

圭瓚有餘潤鐘鏞無細響噤噤丹鳳鳴矯翼層霄上  
揆藻方炳蔚蘊懷亶倣策對萬人傳胸涵衆流廣授簡  
咨河源揮毫映仙仗張騫絕跡處羅列森在掌

至尊為歎嘉國士洵無兩頃者平蠶叢獻頌挺超朗庾  
鮑赧綺靡淵雲避排盪索筆草

帝制有作頻被賞退食含冲襟吐哺餘技癢羣公滿門墻  
多士依几杖咄嗟赴解推爛漫成推獎舊遊憶吳會著書  
奮遐想三禮窮微芒十春氣慨慷招我玉峰巔一繫婁江

槩清歡成久要歲月忽已往騰達方盛年簡濶收吾黨共  
知魁壘人豈徒辭賦長舉酒登高臺聳身視天壤

寄從弟嚴時有喪子之痛

我生鮮兄弟顧影常苦單側聞孤雁鳴永夜懷悲酸嗟  
子已中歲將雛一何難初索既屢折晚舉無一完吾老  
復遠隔撫膺涕汎瀾先德豈不永慨獨罹憂患人生有  
衰盛孝友固其端應憐汝弟弱努力同根懽營道匪干  
福聊獲心所安詰考言在耳念之傷肺肝欲知瓜瓞好

先把紫荊看

丁雁水僉事購書百餘冊見遺賦謝

別夢溯雙江川路邈難度好風從南來眷言相契闊吾  
衰濫史職購書苦力薄遠道煩網羅見貽資筆削燦然  
列架陳羣言富斟酌如飢飫鼎烹如羸得大藥鬱紆千  
載心相思有深託官舍臨高臺江山在鈴閣回首睇燕  
雲振衣收廬霍何以寫我懷纏緜應有作去日梧桐華  
昨日芙蓉落



贈崔學士玉階

大道非耳食，逃聽紛然疑。不有同懷子，交語彌支離。  
上士多冥心，直與千秋期。飢飽中自取，旁人那得知。  
登堂歡永日，清論不為疲。濂洛猶未遠，流風儼在茲。  
寧愁年髻促，但畏陽春馳。

二

丹鳳一振翮，雖雖鳴天端。羽毛寧足希，德音良獨難。  
顧問凜當陞，重瞳含笑看。寸心將啟沃，日旰忘飢餐。  
寧知

爛文字又把翠琅玕惠風吹石閣宮柳散微寒不同觴  
與詠何以追清歡

贈陸侍御紀事

順治十七年侍御抗疏指斥議政諸王貝勒大臣

上知其忠直召見南苑稍出為冀寧觀察且命內

大臣溫諭有加御史刻有聖恩錄余讀而嘉之

誰能張寸舌長號排九閭誰能捋虎鬚攘臂拔本根矯  
矯陸侍御亮節何騫騰鳴為阿閣鳳搏作北溟鵬埋輪

已都下抗章驚 至尊天潢資彈射百僚安足論翠華  
駐南苑羽衛森雲屯 召見識名字咫尺天威存 御  
榻顧之笑汝舌不可捫柏府雖擢遠慰諭 王言溫汝  
實骨鯁臣垂翅母聲吞優容畧忌諱曲折昭 殊恩驅  
馬且西去回夢猶臺門鼎湖龍忽逝攀髯餘淚痕到今  
朱檻折旌直古所敦

贈張杞園

惠風吹青陽花蒲燕山麓之子從東來清歡展心曲鶴

書曩見徵軾軻還空谷詩陳述祖篇手種臨溪竹京洛  
懷故山新蘿胷喬木涉夏且言歸瑯琊有書屋

題羹湖畫冊為田雨來庶常

危石峙寒潭丹亭冒層霧結念霞上人散目江頭樹晴  
浦漾澄鮮歸雲曳遙素棲禽靜不驚釣客閒相語棹舟  
爾何人獨憂青冥去

為陳穎侯庶常母呂太君

有美金閨彥浩然湖海客僦屋囊無錢官舍送朝夕夜

聞王漏傳晨見宮槐碧側耳哺子烏孺慕悲遐隔曰余  
母聖善黃鵠早影隻辛勒挽鹿車操作兼蠶績俯仰廿  
載餘觀懼奚啻百迸淚舉三喪屢空少飢石巢破復綯  
繆吐嗟見擘畫煦沫霑衆雛婚嫁倚長策崎嶇烽火間  
萬事宛促迫有子亶鳳毛黽勉成勁翮猶懷斷杼心大  
義遠督責共姜與范母干禩看接迹何以將返哺祿養  
分鸞掖他年俾彤管徽音永無斁

詩枕

徐善長庶常作一枕虛  
其中貯詩草名曰詩枕

長卿構文賦深思擁被寢杳冥靜經營毫髮恣精審有斐苦  
吟客鴻寶秘一枕側疊橫中箱多藏富倉廩夢回佳句來倚  
牀呼墨瀋大則探驪珠細亦收碎錦興餘時復眠酣歌當沉  
飲詞場才久淹生民秀獨稟飢還窮百家采掇供烹飪

馮氏兩世節婦篇為少司寇馮公

祖母陳太夫人  
二十九而寡六

十卒母戴太夫人三

十三而寡六十九卒

臨海多偉人大節炳不朽懿此荼蓼中復有雙節婦姑  
昔稱禮宗努力事井臼琴瑟悲中斷泉臺誓相守叱賊

狗殞宮鳴機佐糧糗黽勉三芝秀傳經資一手有婦惠  
且閑紅顏遂蓬首笄年怨黃鵠將雛尚黃口口銜生羽  
毛捧檄供升斗慈母就養時百惟無不有崎嶇滇蜀間  
戎馬忽踐蹂自分委豺狼棄官等蜀狗中路回板輿畏  
途觀陽九母訣對烽火旅觀營廣柳亂來又奔散脫身  
間道走南北睽死生哀猿叫林藪誰言客死骨今為司  
寇母金齒仍周行闕嶺弛樞紐陳情乞迎塋

聖主咨嗟久丹旄還故鄉黃麻賁隴阜姑婦同哀榮完

壁謝塵垢痛餘翻淚零

主恩亦何厚作詩昭彤管應無媿瓊玖

墜樓篇為毛明府女詠

黃鵠歌慷慨千春為辛酸苦節誠不易捐軀良獨難倬彼  
婉孌女皎若青琅玕濯濯露下柳鬱鬱霜中蘭結褵未盈  
旬失侶悲孤鸞矢心殉同穴涕淚雙汎瀾日夜毋防衛強  
活非所安藿食長鳴咽常憐地下單舉身如落葉自擲  
層樓端其下皆石城碎壁理無完嗚呼百靈護形體無



摧殘隕絕久復蘓魂返傷肺肝死去儂計得生存慘不  
懼白石尚可爛東流何當還嗟此桃李華抗言凌歲寒  
留別同館諸公時奉

命試洛中

星言涉河甸秣馬出

帝城暑荷尚餘華秋菊將含英涼風起高樹寒蟬時一鳴  
馳策無輟軌揚鑣罕廢聲祇役畏簡書佇立懷友生猗我  
同懷子聯翩集承明觴詠競響答談辯飛縱橫黽勉相咨

度可否出中誠發為金石奏合為膠漆并判袂雖不遠往  
來寒燠更免苑與虎觀絕藻稱東京文章亦大業賢詰爭  
令名安能得多士濟濟維國楨敢誦皇華什彌傷杖杜情

河南道中

餘壤猶郊圻分域已河甸平原黍盡枯川流細於線人  
煙四野希井竈蕭條見偶憇逢田叟告我淚濡面連年  
苦赤地斗粟易匹絹賑恤霑堯天糠粃始一燕今秋方  
薄稔飢餐未充膳君看榆樹萎膚剥骨如練聽此語酸

辛媿我飽厨傳時事急輓輸何年罷征戰

二

鬱鬱大道側依依楊柳垂  
治河薪不屬剪伐防一時  
坤輿幾反覆城郭歸鯨鯢  
至今墟落間父老猶餘悲  
行行涉漳水荒臺傳故基  
西陵吞舊恨日落寒風吹  
我懷拾往蹟片石韓陵碑  
古人深獨賞令人那得知  
驅車不遑息踟躕臨路陲

宋宮

河南貢院即  
宋故宮舊地

試院深且廣締構一何雄  
披圖視往蹟在宋斯故宮  
金

元逋寢處勝國侈藩封踵沿數百載偉麗無終窮玉階  
非舊物碧蘚餘崇墉弱主耽近玩趙氏何夢夢干戈已  
接軫花石爭天工珍禽與異獸百族羅其中宸章銘雙  
檜艮嶽上植雙檜徽宗御題有撐挐天半分連卷虹南負之句亭榭交玲瓏繁華一  
朝盡萬事隨長風到今詢艮嶽曠然無遺蹤千峰作平  
地浩劫歸洪濛自古更銷歇永嘯看蒿蓬

九日重登吹臺

登臺復何有千春興未忘佳辰得再至懷古獨相望師

曠奮逸響鼓吹來梁王當時枚馬輩受簡競篇章杜甫

及高李接跡氣飛揚何李雖晚出後先稍頡頏臺上有何大復

李獻吉碑往者不我待四顧草茫茫汴城百萬戶京雒何輝

煌苑園成綺錯宮觀分低昂河伯推名都半為沙礫場  
含情采野菊正對金樽黃憑欄一把首長風吹衣裳猶  
憶登嵩丘狂歌一慨慷

臨發大梁留贈兩河新舉諸子

大國如滄海厥生徑寸珠中州風雨交天地此中樞詰

賢盛都會文章固其餘懿此戎饑後辛苦懷璫璵慚非  
九方臯相馬仍拘墟贈子好自愛勿為溫飽圖鄉舉古  
所重行誼為先驅漢法徵孝廉名實貴相符淵雲擅妙  
筆董賈陳嘉謨旦暮上春官策足凌天衢必有數偉人  
始不羞賢書沐浴伊與洛令德緬修塗努力騁高步名  
與千春俱寧表天人安誰言聲利儒

使塗整歸有述

啟途星尚爛夕宿露將溥遄發苦奔迫短景天風寒簡

書能不畏側足私盤桓憶我出門時叔病淚闌干徂化  
忽三歲告歸良獨難家貧厝淺土窀穸仍未安即違負  
土義忍無上冢看誰能在中路不使哀情殫獨鳥暮求  
巢奮飛振羽翰草木霑霜華磴道鳴清湍山川逝何邈  
撫膺鬱長歎

有懷田綸霞學使將歸

蕙草三見花離情集暮節雖無尺素書道遠心如結天  
際舉孤霞林端皎積雪伊人秉微尚抱膝自娛悅得士

矜異賞違俗甘用拙空懷鬱陶心仰首託明月

塗雪書懷

到家纔幾日忍即命行役飛蓬故飄颻忽作驅車客川  
原緬逶迤風雪交晨夕欲知行路難四顧無人跡憶我  
官京關三年雪未積未看階砌盈稍見屋瓦白同志二  
三人把杯酒疇昔別時尚殘暑今來凜蕭撼飢獸啼空  
山寒鳥歛高翮人生誰百年短景苦奔迫中夜念王程  
畏威嚴咫尺



董默菴督學京畿

數教首神京簡命重殊遇高坐擁臯比匪徒侈章句早  
達冠羣流講幄兼記註下直時詠言雅志託毫素時俗  
愍頽瀾大雅墜霾霧佻達紛子衿淫哇奪韶護

帝謂惟汝都人師亶自樹珍賜出

彤庭天語親眷顧既銜特達恩彌深素餐懼所期經術  
優餘力問詞賦俎豆偃干戈王風滋布濩髦士資奮興  
庶使輦俗寤知君沂鄒魯董率無岐誤得人良不難渴

賢啟先路再誦樸棧詩願言振高步

張學士得假歸葬

內廷啟沃臣詎忍離宮闕張仲維孝友至性固莫奪釋  
褐被簡在左右侍密勿星爛趨宸居夜分直金闥不言  
溫室樹苦砭素絲節維

帝亶聰明顧問若飢渴經史何紛綸討論到毫髮豈無  
丘隴情銜恩不得說八字今又安海甸干戈歇道合儼  
都俞陳情容迫切臣父未寔安思歸淚如血

天子為咨嗟詔許省巖穴賜金出中帑草救勤

御札大哉我

皇言忠孝無異轍六龍正東馳跪送心百結駐蹕語移時但見

天顏悅千官驚歎慕禮數獨殊絕江春楊柳生水驛錦帆發寵錫耀鄉閭佳城高堦堦生成等罔極報稱彌激烈懸知侍從心猶夢依日月

戴楓仲古鼎詩

我不識古物鼎鐘埒錡釜巧手亂真贗世遠誰記睹憶  
昔官齊州鐫彝出深土云發景公墓墜道中掘取遺我  
提梁卣丹翠爛雜組摩挲非近玩質重難輕舉寧知楓  
閣翁珍此隨寢處携來萬里餘什襲錦囊貯光怪何陸  
離刻畫辨馬鼠蘊義取陰陽紀年寓子午吾友王石史  
好古勝甘乳義黃及周秦鑄鼎傳遺矩考圖驗形式精  
詳窮髮叅臚列數千年直作鼎世譜博雅二三君銘贊  
同石鼓英辭再三讀歎息敢狎侮九鼎既沉淪魑魅如

虢虎經過浩劫存神物慎所與知翁寶書畫貴比天球  
伍惟懷振古心古人可共語

醉後荅劉山蔚

雪苑富名彥才華天下聞口吸黃河水手攬嵩山雲當

時候公子

謂侯朝宗

勝氣凌秋雲到今餘耆舊拓落懷高文

新詩慕杜韓遐尚追丘墳白眼小時輩纖響徒云云我  
方倦筆墨拉雜思燒焚抗聲時大呼奮臂振孤軍燕臺  
菊花節花氣寒氤氲沽酒共君飲小酌未成醺恨不同

所歡東籬酣夕曛

宋牧仲比鄰時方病止酒

都下諸公歲暮和東坡岐下三首余亦漫和

餽歲

終歲常勞勞獨行  
莫余佐欲為親舊  
歡空囊無餘貨自  
矜容膝安不數萬  
間大有時進卮酒  
醉即枕書卧同志  
二三子清嘯娛四  
座貴賤少安居紛  
如蟻在磨官貧酬  
酢希州州歲時過  
得句相問遺險韻  
不辭和

別歲

雙髻忽已白乞身一何遲義和擲人去夷父苦思追歲  
華逝不處我生豈無涯顧彼孤蓬轉來歸復何時且同  
傾濁酒遑問甘與肥萬鍾寧獨飽飢石何獨悲明知新  
節至難與舊歲辭倚醉從為別誰當知我衰

守歲

人情看壯老吾道自龍蛇迅彼追風騎中道誰邀遮汝  
去不我告維繫將如何憶昔少年日笑語中夜譁椒盤  
爭獻頌歲鼓喜頻撾回頭如昨昔馳暉忽已斜人生萬

事好一老成蹉跎烈士多壯心暮年猶見誇

追送陸義山編修假歸平湖

歲晏懷中林首春命歸櫂裝發重跼踖  
紆眷同好松陰雪未消花塢梅初耀  
東望湖光開陽崖試投釣水樹藹因  
依猿鳥羣叫嘯散帶何從容無營謝  
競躁閒居理舊業開襟還一笑平原多  
藻思茂林起

丹詔累年多筆札永夜煩編校顧此述  
作勞難忘壑巖妙送子子不待蒲帆北  
風峭亦有思鄉客同時憶雲嶠



徐宮允果亭假歸

侍臣有歸夢，眷言采江離。盛年蘊遐尚，四座那得知。冉冉黃埃中，晏坐能幾時。朝從青殿入，暮自金門歸。兄弟叅講幄，接跡擁恩輝。多君春陽日，心與歲寒期。養疴豐述作，臨水忘渴飢。風吹桃李花，次第何歲衰。處為玄豹隱，出為丹鳳儀。山中足瑤州，何當一相貽。

寄贈曹秋岳司農是年七十

喬木秀中林，歸雲戀巖岫。遙睇滄海深，延頸眷耆舊。

聖朝東觀開儒臣羣輻輳挾天資巨手高文需締構纁  
幣遠徵求掉頭謝不就託跡鸞鶴羣發聲金石奏

二

翱翔憶何許昔同京洛游盛名方李郭彥會集應劉當  
塗發高唱四座競獻訓浮雲忽以散策駕歷九州北征  
紫塞下南溯珠江頭處腴不自潤道廣復能周興盡早  
還歸大笑營糟丘

三

史籍苦零散勝國無全書秘本或傳寫檢校多魯魚誰

能諳往事睹記未荒蕪摺集賴遺老一身文獻俱

公所輯崇

禎疏抄傳諭錄等書多史館所未備

不忍藏名山為功在石渠莫言齒髮

暮文酒懽有餘惠風盪湖水爛漫春花敷幾時陪杖屨

林壑同遊娛

高母徐太孺人八十

昔登遺安堂咄嗟出豐膳高子滄海人把酒苦相勸寧


知白頭母中饋老無倦身甘絡秀屈德許班姬擅仰承

樛木慈退泯衾裯怨鵷雛非已出口銜如乳燕到今遊  
子衣強半手中線兒女紛蒲前黽勉恩勤徧四世衍箕  
裘雜佩及親串家室罹飄搖洗裝棄花鈿中外稱禮宗  
海域傳邦媛髦齒飯伊蒲肥甘性所賤誰言困縞綦藉  
甚歸聖善紀頌昇彤管風徽自茲見

偶成

平生金石交官移自疎闊勢位使之然不盡由厚薄豈  
無鼎食家車馬走相索磬折不崇朝黽勉生內忤冉冉

松際蘿颺颺林中籜高下成苑枯物情異所託雖非揚  
子雲擁書甘寂寞



學餘堂詩集卷十四